



Oleh
Noor Mohamad
Shakil Hameed

Pelajari kesilapan cetus perang

Dunia perlu contohi Malaysia tangani konflik tanpa pertumpahan darah

SU keamanan dunia kembali menjadi topik perbualan yang hangat di seluruh dunia. Contohnya konflik di Gaza, Palestin kembali menarik perhatian angkara keganasan, kedegan dan kezaliman rejim Zionis, terutama terhadap kaum wanita, warga tua dan kanak-kanak.

Ternyata diari kehidupan masyarakat dunia tidak pernah sunyi dan berhenti daripada menyaksikan pelbagai keganasan, peperangan dan konflik daripada mengambil tempat di atas pelbagai alasan dan justifikasi yang akhirnya mengorbankan sejumlah nyawa yang tidak bersalah.

Dendam, ketamakan kuasa dan kedudukan dilihat antara punca utama yang menyumbang kepada keganasan dan konflik di seantero pelusuk dunia. Akibatnya sistem politik, ekonomi dan sosial wilayah bergolak terus dicabuli dan runtuh sama sekali seperti apa yang berlaku di Gaza.

Pembunuhan beramai-ramai serta usaha untuk menghapuskan sesuatu etnik juga terus dilakukan tanpa belas kasihan. Ini turut menyebabkan bilangan istri yang kehilangan suami, jumlah anak kehilangan ibu bapa dan kaum keluarga lain